

【蛻變】徐佳好原作

記得俅仔讀小學個時節，放學歸到屋下興嘍嘍仔¹同俅分享，上自然課，先生紹介揚蝶仔，佢感覺著蓋生趣，問俅：「阿姆，做得畜虐毛蟲無？」俅淨聽過有人畜細魚仔、蠶仔、雞嫲蟲，敢有人畜虐毛蟲？

該時節，俅在學校做志工，同圖書室個細阿姊打嘴鼓，佢講：「淨愛種一頭柚仔樹抑係柑仔樹，就會有揚蝶仔飛來生卵。你過準備一個罐仔，裡背放一支細樹杷，恁仔就做得咁啲。」俅一聽啊著，心肚盡疑狐：自家又無歇在莊下，種一頭柚仔樹就會錫揚蝶仔來，哪有可能？毋過，「狗呷烏蠅，賭造化」²罔試看啊！

講乜奇怪呢！有一日，正式有一隻揚蝶仔，在俅等種个柚仔樹側賺飛來飛去、飛上飛下。心肝肚恸：佢在做麼个呢？俅目金金仔緊看，佢緊攞等翼，緊對屎肫尾屙出細細粒、滄黃个卵在葉仔項。俅細心細義，摘下這皮葉仔帶歸屋下放在罐仔裡背。

幾日過後，幼蟲對卵裡背鑽出來，一出世，黏時食核卵殼。

虐毛蟲蓋揀食³，淨食合意个葉仔，像一個盡肚飢个細孬仔，葉仔分佢食到極淨⁴，淨伸葉脈，俅仔摘葉仔都毋掣分佢食！佢等緊食圓身緊大籬，該兜白烏色个衫褲忒狹，只好脫下舊衫換青衫。

有時節，俅該蠻皮个俅仔係「頭那插禾串」去撩佢，佢會跔等臥起圓圓大大个頭那，伸出紅紅个角，放出像榴槿臭胖胖个味緒，想愛嚇走欺負佢个人。毋過，係斷真堵著烏仔、虎頭蜂，佢等斯想瀉都來毋掣。有一擺，俅識看著，自家畜个虐毛蟲毋知分對哪來个蜂仔食核，衰過个虐毛蟲，瀉都毋掣！一無注意，嘎發生恁仔悲慘个狀況，實在得人驚！

虐毛蟲每日都潑命牯緊食葉仔，食到圓身肥啦啦⁵毋知飽。有一日暗晡，看佢辽辽腦轉⁶，葉仔毋食，淨在罐仔肚裡來去，毋知在該無閒麼个。佢屙咁一埕青青个瀉粑，俅仔問：「佢係發病麼？抑係屙痢肚？」忽然間，佢趁在該樹杷項，牽絲同自家吊掛起來，同自家跂等⁷，屏在蟲包肚，像睡核咁！

過一禮拜零，蟲包變色，像變奇術樣仔，揚蝶仔對蟲包裡肚鑽出來咁啲！毋過，溼溼、皺腔郎當⁸个翼還毋曾燥，佢定定仔、柔柔仔，盡有耐心个等等，正式係老上人講个：「甘蔗食了一目正一目。」毋好「打卵就愛見黃」。看著這靚膩膩仔个花仙子，盡像係同俅等講等人生蓋多个道理啊！

³ 揀食：音 gian` siid；挑別食物。

⁴ 極淨：音 gid qiang；非常乾淨。

⁵ 肥啦啦：音 pi` leb leb；胖胖的。

⁶ 辽辽腦轉：音 din` din` no` zon`；繁忙、躁動不安。

⁷ 跂等：音 giu` den`；蜷縮著。

⁸ 皺腔郎當：音 jiu zii` long` dong`；皺摺多。

¹ 興嘍嘍咁：音 him du du e`；興沖沖的。

² 狗呷烏蠅，賭造化：音 giu` gab vu` in`，du` co fa；狗突然張口去咬飛過的蒼蠅，能否咬到就看運氣。

【大籬牯減肥記】曾菁怡原作

「哇！歸桌仔恁多好料！汽水、餅仔、披薩、雞卵糕、枝仔冰，還有佢盡好食个炸个同雞髀。」佢看到無瞞目，口涎水都會跌下來也，該兜好料像同佢攞手講：「共快來食，共快來食哦！」佢趕緊抓一支噴香个雞髀，該黃蠟蠟仔个皮炕到喇喇，肉汁汀汀汀汀，實在還錫人啊！就在佢嘴擘到大大，準備咬啊下去該下，嘎聽著：「大籬牯，還毋翫床？會赴毋掣讀書也！」全部个好料一下仔嘎毋見核，原來，係發夢啊！有一息仔毋甘願，該雞髀無咬著，實在還浪核哦！

聽吾姆講，佢從細就盡好嘴斗，生到肥嘟嘟仔，幼皮白肉，盡得人惜。公太就盡愛捏吾面頰卵，講佢像正打好个粢粑仔分人想愛咬一口。原本佢無感覺肥固固个身材有麼个毋好，但係該擺見笑个經驗分佢決心愛減肥也。

該日學校辦校慶活動，吾班級表演「三隻豬仔」个話劇，佢擔任豬大哥个角色。就在節目進行到豬大哥同豬二哥為著閃避大野狼，愛走去豬老弟个屋仔屏該下，為著愛有緊張个氣氛，佢潑命牯颯過去愛透入豬老弟个屋仔裡背。哪知得，一下仔忒大力，

豬老弟个屋仔嘎分佢撞橫下去，佢還仆啊在屋仔頂頂，屎肫翹到半天高，纏繃繃个褲弓到暴線縫。該時，鬧熱煎煎个禮堂忽然間變到十分恬靜，佢還聽得著自家砰砰砰个心跳聲，額頭流下來个汗水每一滴，佢就感覺得著，實在還見笑哦！愛仰結煞正好？落尾，有聲音同佢解圍也，佢共快企起來行到舞臺脣換褲。該聲音，毋係佢期待个拍手聲，係大家嗆到歸身仔緊顫、目汁緊流个笑聲。

校慶結束該日，桌頂个乳茶、雞排全部分佢擲到地圾桶，佢第一擺有恁堅定个決心，絕對愛減肥成功。佢去網路尋減肥个方法，大概係減量、減油、減糖，還愛配合適當个運動，故所該兜油漬漬仔个炸个東西、甜滋滋仔个汽水、糖仔一概分佢拒絕，每餐飯菜都食過清過齋一息仔，食到七分飽就好。佢還每日運動三十分鐘，行路、打球仔、跳索仔……每日做無共樣个變化。

一隻月過後，吾姆帶等佢去買新衫褲，每一領都減兩個尺寸，阿姆講：「從今以後做毋得過喊你『大籬牯』也。」「係啊！你愛喊佢『緣投哥』也。」

大籬牯減肥，成功！

【好空】徐子涵原作

人講，笑頭笑面個人過有人緣；佢講，會講客個細人仔過得人惜。係兩種加啊起來，就會變出蓋多好空個事情出來哦～！

社區肚個老嫩大細，佢比吾姆還過熟事；社區肚個事情，乜比佢還過瞭解。下把仔攞兜仔菜、帶兜仔糖仔歸屋下，騙阿姆講係佢買個，佢都會相信。因為連佢都想毋著，無緣無故有麼人會分佢。無論係食個、著個、用個，抑係搞個，所有好空個，聚概¹都係佢好嘴碼同禮貌換來個。

對門九十六歲個阿太講，這下個細人仔，毋知係畏相抑係搵屎，盡少像佢恁有笑容、恁會同人相借問個，故所特別惜佢，盡說佢。佢輒輒會攞手喊佢過去，拿兜仔零嗒分佢食，佢講就佢正有恁好空。同佢講話，一概愛用客話講，佢正聽得識，佢想怕係因為恁仔，正無細人仔愛同佢講話。三條巷仔個細人仔，就單淨佢一個人做得同佢謔多半點零鐘，無講花蓼哦～！

莫看佢年紀還細，係自行車毆²鏈、輪仔同球仔係無風，佢自

家就有辦法毋使花錢去尋人搵手整、搵手嘮風。係愛打羽毛球，乜有大人儕陪佢搞，恁仔講，你就知佢個朋友有幾多、年齡層有幾闊也！

細人仔自然就會搞共下，毋使加講，愛講個係，該兜鄰舍做麼個會恁惜佢呢？該係因為佢盡笑面，會同人打嘴鼓，還會同人搵手。比將講搵手倒地坵、拚資源回收個東西、講兜仔笑科分人噓、講兜仔令仔分佢等揣、講兜仔生趣個事情分佢等聽，就連老伯姆來賣菜，佢乜會搵手喊：「買菜哦～！愛買菜無？」微微末末，講都講毋得煞，佢個大人朋友就係恁仔從細交陪來個，連吾姆都蓋佩服。

對巷仔口左幹上去個有錢人家同公園起啊盡闊，新聞報導過後，就蓋多人客來遠奈，漸漸仔乜有人來擺攤仔做生理。佢輒輒會行兼去，人客來就搵手，無人客就打嘴鼓，毋多知仔又熟事也！盡多人客聽著佢講客，會因為感著蓋親切，就買加兜仔，你講，有生趣無？

佢從來就無恁面帶笑容同講客會有麼個好空，毋過確實帶分佢盡多好空！總講，就係一種蓋格式³個感覺。

¹ 聚概：音 qiug` koi`；全部。

² 毆：音 lod`；脫落。

³ 格式：音 gied` siid`；形容事情或物體非常好。

【剃頭】張美容原作

前幾日去剃頭店剃頭，看著一個兩、三歲个細人仔，為著剃頭噉到噉殺天¹，大大細細全部斯搥到汗流脈絡，實在還衰過哪！佢這下過大也，剃頭該時毋敢噉，毋過還係盡驚剃頭，乜共樣恁惱剃頭！

佢驚剃頭，係因為佢盡無膽，驚師傅手項該支剪刀同剃頭刀。見擺一坐啊凳仔項，冚好剃頭个措裙，看著師傅拿等剪刀對等佢，佢就開始緊掣²，感著過核千年恁久毛正剪好，正想故下氣頭，師傅又拿等利利个剃頭刀愛來刮佢腦之背³个毛腳，這下還過得人畏也。佢驚到頸根緊跔、屎肫在凳仔項扭上扭下，師傅一頭刮、一頭咄佢毋好停動，無奈勢何，佢牙根齧等、拳頭嫲搭等，任在人剝割。係走得得，佢定著落尾仔瀉，一分鐘就毋停跔。唉！剃頭實在得人驚！

到三、四年生起勢，膽過在⁴也，無恁驚剃頭，嘎變啊惱剃

頭，因為師傅該張嘴蓋得人惱，佢總係在同佢剃頭該時，講拏著一大波籬有个無个。可能大家係老鄰舍忒熟事也，佢蓋輒緊剃緊同佢打嘴鼓，一下問：「你个頭那毛掖麼个肥？佢會生到恁靚、恁多？」一下仔又講：「營養毋好專門搥到頭那毛去，愛食過高大兜仔正有影哪！毋好像矮牯鯽樣矮佢佢仔⁵。」佢面皮薄、驚見笑，目珠不時眨等詐無聽著，一肚屎懊躁想：「佢結煞！脣口个人定著在該噉佢也啦！還惱！還惱！實在還惱剃頭。」

最冤枉个係，有一擺師傅毋知佢仔，剪刀一溜⁶，嘎同佢个耳公剪一個空，血黏時流出來。師傅緊同佢膏藥仔，緊噉噉噉个講：「頭那毛恁多，蓋毋好剪。」佢仔嘎變到佢毋著！歸到屋下想愛同阿姆使妮，無想著阿姆毋單只無安慰佢，顛倒罵佢講：「毋恬恬坐等分人剃哪！耳公無分人剪核就盡好也。」限勢佢愛噉都毋得嘴扁，聽著阿姆恁仔講，黏時「哇！」一聲噉出來。係做得，佢甘願做長毛賊⁷也無愛去剃頭。

剃頭个戲齣，幾個月就愛再過來一擺，還艱苦哪！佢日日想、日日望，想望遽啊大，做得像大人樣，去電毛店剪頭那毛，腳交等，有冷氣好吹、有人同你捉背筋，還有人斟茶分你食，毋知幾好仔哪！

¹ 噉殺天：音 veˋ vongˋ sadˋ tienˋ；大聲哭喊

² 緊掣：音 ginˋ cadˋ；不停發抖。

³ 腦之背：音 noˋ ziiˋ boi；後腦杓。

⁴ 在：音 cai；穩固。

⁵ 矮佢佢仔：音 aiˋ dudˋ dudˋ eˋ；矮嘟嘟的。

⁶ 溜：音 liu；滑開。

⁷ 長毛賊：音 congˋ moˋ ced；形容像盜賊一樣披頭散髮。